

嘉靖天長縣志

天長縣志叙

先王經世議制天下有圖掌於職方邦國
有志掌於小史四方有志掌於外史摠之
朝廷闡乎政教飛徒為文具也天長有志
舊矣時淹跡改遺認類多卻侯水南來今

天長志前叙

茲土明作啟大有志興革百用禪厥師取
舊志觀之曰天長

帝鄉名邑志而弗究何以徵乎上其事於
督學相岡胡公太守蒲石李公皆可為除
館並日延儒萃能夙夜事、無何志成馳



帳致臣屬一言弁諸其首臣曰志也者識也識也者記也所以記其實也上昭天道不著地理中備人事而三才之變驗於是矣志豈易任者哉是故採摭之未廣或失則缺訛舍之無權或失則煩意見之太執

或失則偏歆其窮俯仰遠古今定是非公予奪而垂信一代不可得也志豈易任者哉別駕王君後隅以明經舉進士宗主其任而諸庠老積學有年又輔翼之相與協力剛氣志也詳而悉簡而覈正而弗私隸

星躔之次屬稽氣化之災祥會精盡變而
天道昭於上矣溯山川之閎歷辨原隰之
生成會形盡宜而地理著於下矣考營繕
之廢興列行寔之優劣表輸役之輕重示
好尚之臧否會情盡制而人事備於中矣

吾賢士大夫得之可以永觀省閭閻里巷
得之可以嚴勸戒物人女子得之可以激
節義而後之欲因風以知德陳圖以察隱
者亦於是乎資焉則茲志也豈徒為文具
者哉為帙四為卷七壽椿如左督學諱植

豫章人太守諱愈平定州人侯諱時敏餘
姚人別駕諱心與臣本縣人諸序老載在
別駕之自叙不贅也

賜進士第中順大夫知真定府事前監察
御史唐臣譔

重脩天長縣志序

地理之書昉於九丘至周有小史外史掌邦國四方之志下及列國皆有史官以記時事所以待王稽古辨方以知地俗厥立良矣秦氏郡縣天下其官始廢意始微可悼已

明興有一統志而府州縣各各有志其成周之遺乎天長古揚州域漢名廣陵隋名永福唐初改千秋後更云長今未之易也雖疆理並齒中邑而寔當江淮島衝在昔戰爭必經之地以故典章文物殘落莫稽百餘年來

未有任紀載之責者豈非邑之大廟
與歟嘉靖戊申姚江邵侯蒞縣之二
年觀風采言知邑志闕歎備之延狀
上之督學胡公公曰可郡守李公志
曰可遂筮日謝館以編輯之責屬之
鄉大夫王君惟一君為旁考博詢裁

成義類而侯每政暇必親參訂焉揭
去綱曰地輿曰人事而目附去下自
疆域以迄災祥凡七卷而變遷之說
風氣之宜沿革之故聖耗之由勸懲
之具纖悉舉之矣書成侯乃命工升
之梓且不鄙懇予叙予惟志之繫於

治不小也顧簿書期會事吏治者恒
亟亟焉而舉墜葺廢稽古考文則率
以為迂緩而不暇俟之善政異績得
於耳目者熟矣觀是不又見復古之
政知務之學耶嗣是吏於土者能寓
覽而自得之必星野有常易簡見矣

流峙隨化動靜具矣鼓舞盡利康阜
基矣變通趨時道德一矣幽以禮神
微以盡物邇以脩職遠以尚友則仕
有定守治有常師而化流海隅皆有
待焉者固侯之志而作者之徵也予
不揣僭述于篇俾繼治者知所攷云

賜進士出身知閩縣事鳳巖戴翹頓首書

皇明天長志卷之一

邑人王心惟一編輯

知天長事餘姚邵時敏伯來刊正

地輿志

疆域 沿革

附沿革世表

縣治學宮縣城縣境圖

山川 星野

聖王比合天下之道建國親侯後世易之以郡縣各因乎時爾

輿地無方山河有戒建官分理其勢則然然則疆域

天長志卷之一

一

正則官有分地而可守民有定居而不爭聖王治天下先正其疆界

皇明洪武三年庚戌建中都改臨濠府為中立府以泗邳

徐宿壽潁光六安信陽九州為屬天長縣隸泗州七年

甲寅析邳徐光六安信陽五州遷府治于新城改中立

府為鳳陽府天長縣仍隸泗州屬焉

夫天長秦廣陵縣之地也杜佑通典注江都秦廣陵

縣則廣陵名於秦矣周之上不可攷春秋屬吳左傳

曰吳城邗溝越滅吳屬越楚滅越屬楚秦郡縣天下

置廣陵縣屬九江郡漢因之中都志曰高祖於高郵
三阿東立城郭置廣陵縣蓋因縣而立城郭非廣陵
始于漢也高帝五年徙齊王信爲楚王屬楚國六年
封從兄賈爲荊王都吳卽今之揚州府治也屬荊國
十一年英布反東攻賈賈走死帝誅布以荊爲吳國
封兄子濞爲吳王都賈故宮屬吳國景帝二年吳與
五國反伏誅四年封子非爲江都王屬江都國武帝
元狩元年國除更名廣陵郡屬廣陵郡至是始以廣
陵名郡郡名因邑名而得也七年封子胥爲廣陵王

屬廣陵國班史地理志有廣陵國而不及郡蓋開郡
不久也新莽改江平縣

心按先有縣而後有郡縣在今揚州府治未可知
也及江都廣陵並列爲縣則廣陵縣未必附郭前
志謂本縣卽廣陵縣未爲無據矣然則前史所載
人物事故凡言廣陵者當屬之本縣必多但本縣
久別於揚類皆收入揚志而本縣文獻無徵殆難

質正爾

光武建武初屬廣陵郡十七年封子荆爲廣陵王屬廣

陵國明帝永平十三年荆自殺封其子元壽爲廣陵侯服王璽綬食故國六縣天長在六縣之中食其租稅而不與其政事廣陵復爲郡縣屬廣陵郡范史地理志有廣陵郡而不及國蓋建國不久也

按東西漢書皆有江都廣陵二縣

宋書曰三國時縣廢其地先屬魏後屬吳杜佑通典曰文帝黃初六年幸廣陵孫亮建興三年使衛尉馮翊城廣陵

宋書曰晉武帝太康二年立廣陵縣屬廣陵郡宋廣陵

縣屬廣陵郡齊廣陵江都並屬廣陵郡

梁置涇州及涇城東陽二郡陳廢州併二郡爲沛郡置

沛縣杜氏通典曰梁於石梁置涇州

大明清類天文分野書曰天長縣本漢廣陵縣之石梁舊沛縣也梁爲涇州陳州罷併涇城東陽二郡爲沛郡舊志謂侯景篡梁改雄州未詳

周改石梁郡及石梁縣省橫山縣入焉

按梁陳周時郡治皆在本縣

隋初郡罷大業中改曰永福初屬揚州總管府後府廢

改屬江都郡

唐初縣廢舊唐書載天寶元年割江都六合高郵三縣地置千秋縣七載改名天長屬淮南道揚州大都督府新唐書載天長爲望縣

分野書曰天長五代南唐爲建武軍又曰周顯德四年改爲雄州

五代史天長六合故屬揚州南唐以天長爲軍六合爲雄州周復故

又攷周顯德六年置雄州乃易州之容城而分野

天長志卷之一

四

書與中都志皆謂周顯德四年改天長爲雄州未知何據

宋史載天長爲望縣舊天長軍至道二年軍廢復縣屬揚州建炎元年陞爲軍紹興元年復爲縣十一年復陞軍以盱眙縣來隸十三年復爲縣屬招信軍天長至是始別于揚矣

元至正十五年屬臨淮府

招信臨淮即盱眙

二十七年革臨淮

府以隸泗州淮安路至正十五年立淮東等處宣慰司置司天長統濠泗義兵萬戶府並洪澤等處義兵

國初仍隸淮安府洪武四年改屬中立府七年遷中立府于新城改中立府爲鳳陽府天長仍隸泗州而屬焉

編戶初八里今增至十三里在城一坊在鄉十二都在城有坊長十二都有里長東鄉一都二都九都南鄉三都四都十都西鄉五都六都十一都北鄉七都八都十二都

廣一百五十里輪一百里東界江都縣大儀鄉六十里西界盱眙縣孝第鄉九十里南界六合縣四號墩

五十里北界寶應縣孝第鄉五十里西至本府三百六十七里本州一百五十七里 南京陸路一百二十里由瓜步渡江五十里水路六百里 北京陸路二千三百二十七里水路二千九百八十一里東一百二十里爲揚州府西一百五十里爲盱眙縣南九十里爲六合縣北一百七十里爲寶應縣東南一百二十里爲儀真縣西南一百三十五里爲來安縣東北一百二十里爲高郵州 縣之南爲總舖東二十里爲蘆龍舖又二十里爲秦

蘭舖又二十里入江都大儀舖西三十里爲石梁舖
又三十里爲張公舖又三十里爲平源舖又三十里
入盱眙具井舖西南四十五里爲汭澗舖以通來安
南四十里爲瓜蒞舖以通六合

公革世表

夏

揚州之域

商

揚州之域

周

春秋時屬吳後屬越戰國時屬楚

秦

置廣陵縣屬九江郡

西漢

高祖於高郵三阿東建城郭置廣陵縣五年屬楚國六年屬荊國十一年屬吳國景帝二年屬江都國元狩元年屬廣陵郡七年屬廣陵國郡國屬徐州王莽為江平縣

東漢

光武建武初屬廣陵郡十七年屬廣陵國明帝永平二年屬廣陵郡

三國

縣廢其地先屬魏後屬吳

晉

武帝太康二年立廣陵縣屬廣陵郡

宋

屬廣陵郡

齊

屬廣陵郡

梁

為涇州治其屬有涇城東陽二郡

陳

為沛郡治置沛縣

周

為石梁郡省橫山縣置石梁縣

隋

為永福縣初屬揚州總管府後屬江都郡

唐

初縣廢玄宗天寶元年割江都六合高郵三縣地置千秋縣七年改名天長屬淮南道大都督府

五代

初屬吳後屬南唐為建武軍周復為天長軍